

Grad Novi Pazar

Skupština grada

Odbornička grupa SDA Sandžaka

Novi Pazar

10. februar 2022. godine

P R E D S J E D N I K U
SKUPŠTINE GRADA NOVOG PAZARA

Na osnovu člana 44. stav 1. i člana 149. Statuta grada Novog Pazara („Službeni list grada Novog Pazara“, broj 6/19), člana 44. stav 1. i člana 138. stav 1. Poslovnika Skupštine grada Novog Pazara („Službeni list grada Novog Pazara“, broj 6/19) podnosimo **PRIJEDLOG ODLUKE O UTVRĐIVANJU PRAVILA PRI IZBORU STALNIH I POVREMENIH RADNIH TIJELA SKUPŠTINE GRADA NOVOG PAZARA**, sa prijedlogom da se, shodno članu 109. Poslovnika Skupštine grada Novog Pazara, uvrsti u dnevni red i donese na sjednici Skupštine grada koja je zakazana za 10. februara 2022. godine.

Predsjednik odborničke grupe

Ahmedin Škrijelj

Na osnovu člana 36. stav 1. i 3. Zakona o lokalnoj samoupravi („Službeni glasnik RS“, broj 129/2007, 83/2014 – dr. zakon, 101/2016 – dr. zakon i 47/2018), člana 50. stav 1. Statuta grada Novog Pazara („Službeni list grada Novog Pazara“, broj 6/19), člana 56. stav 2. člana 75. stav 2. i člana 137. Poslovnika Skupštine grada Novog Pazara („Službeni list grada Novog Pazara“, broj 6/19), Skupština grada Novog Pazara na sjednici održanoj 10. februara 2022. godine, donosi

ODLUKU

**O UTVRĐIVANJU PRAVILA PRI IZBORU
STALNIH I POVREMENIH RADNIH TIJELA
SKUPŠTINE GRADA NOVOG PAZARA**

Član 1.

Ovom odlukom propisuju se pravila koja se imaju primijeniti prilikom izbora predsjednika i zamjenika predsjednika stalnih i povremenih radnih tijela Skupštine grada Novog Pazara.

Član 2.

Predsjednici, zamjenici predsjednika i članovi stalnih i povremenih radnih tijela Skupštine grada Novog Pazara, biraju se na prijedlog predsjednika odborničkih grupa, ukoliko zakonom, Statutom ili Poslovníkom nije drugačije određeno.

Svakoј odborničkoј grupi pripada broj predsjednika i zamjenika predsjednika stalnih i povremenih radnih tijela Skupštine grada Novog Pazara koji je srazmeran broju odnosno procentu odbornika koji odbornička grupa ima u Skupštini grada Novog Pazara.

Svakoj odborničkoj grupi pripada broj članova stalnih i povremenih radnih tijela Skupštine grada Novog Pazara koji je srazmeran broju odnosno procentu odbornika koji odbornička grupa ima u Skupštini grada Novog Pazara.

Član 3.

Struktura predsjednika, zamjenika predsjednika i članova stalnih i povremenih radnih Skupštine grada Novog Pazara, uskladiće se sa ovom odlukom u roku od 30 dana od dana stupanja na snagu ove odluke.

Član 4.

Odluku objaviti u "Službenom listu grada Novog Pazara".

SKUPŠTINA GRADA NOVOG PAZARA

Broj:

U Novom Pazaru, 10. februara 2022. godine

P R E D S J E D N I K

Dr. Anela Šemsović

O B R A Z L O Ž E N J E:

Pravni osnov za donošenje odluke:

n

Pravni osnov za donošenje ove odluke sadržan je u sledećim odredbama Zakona o lokalnoj samoupravi, Statuta grada Novog Pazara i Poslovnika Skupštine grada Novog Pazara, i to:

- članu 36. stav 1. i 2. Zakona o lokalnoj samoupravi;
- članu 50. stav 1. Statuta grada Novog Pazara;
- članu 56. stav 2. članu 75. stav 2. i članu 137. Poslovnika Skupštine grada Novog Pazara

Razlozi za donošenje odluke:

U postupku konstituisanja radnih tijela Skupštine grada Novog Pazara utvrđeni su propusti prilikom izbora predsjednika, zamjenika predsjednika i članova radnih tijela.

Predsjednici i zamjenici predsjednika radnih tijela, do sad konstituisanih, birani su isključivo na prijedlog odborničkih grupa koje čine skupštinsku većinu, što je suprotno gore citiranim odredbama Poslovnika. Predstavnici opozicionih odborničkih grupa nisu ni u jednom slučaju birani za predsjednike ili zamjenike predsjednika radnih tijela.

Pojedina radna tijela izabrana su bez predstavnika svih odborničkih grupa, kao što je na primjer Administrativno – mandatna komisija, koja je, ako se posmatra sa aspekta transparentnosti rada lokalne samouprave i trošenja budžetskih sredstava, jedna od najvažnijih.

Poslovnik Skupštine grada je izričit kada je u pitanju struktura radnih tijela Skupštine, međutim prilikom izbora predsjednika, zamjenika predsjednika i članova radnih tijela prekršena je ta vrsta obaveze koju Poslovnik propisuje.

Donošenjem ove odluke nedvosmisleno se utvrđuju pravila prilikom predlaganja i izbora radnih tijela, kao i njihova struktura. Ovom odlukom se takođe ostvalja i rok za ispravljanje uočenih nepravilnosti, te se na taj način radna tijela Skupštine grada vraćaju u propisane pravne okvire.

Objašnjenje pojedinih rješenja propisanih ovom odlukom:

Član 1: Utvrđen je predmet odluke.

Član 2: Propisana su pravila, struktura i postupak prilikom predlaganja i izbora predsjednika, zamjenika predsjednika i članova stalnih i povremenih radnih tijela Skupštine grada

Član 3: Utvrđen je rok za usklađivanje strukture predsjednika, zamjenika predsjednika i članova stalnih radnih tijela Skupštine grada sa ovom odlukom.

Član 4: Propisana je obaveza objavljivanja u „Službeni list grada Novog Pazara“.

Finansijska sredstva za sprovođenje ove odluke nisu potrebna.